

## ADDENDA DE MODIFICACIÓN DO CONVENIO COLABORACIÓN ENTRE A CONSELLERÍA DO MAR E A UNIVERSIDADE DE SANTIAGO DE COMPOSTELA PARA O DESENVOLVEMENTO DUN MODELO DE EQUILIBRIO XERAL COMPUTABLE E MEDICIÓN DO POSIBLE IMPACTO DUNHA BAIXADA DO IVE DO PEIXE E O MARISCO NAS PREFERENCIAS DOS CONSUMIDORES NO ANO 2025

### MEMORIA XUSTIFICATIVA

Isaac Miguel Rosón Sánchez-Brunete, director xeral de Pesca, Acuicultura e Innovación Tecnolóxica da Consellería do Mar, **DECLARA:**

Que esta Dirección Xeral de Pesca, Acuicultura e Innovación Tecnolóxica formalizou o 14 de febreiro de 2025 coa Universidade de Santiago de Compostela (en adiante USC) o convenio arriba referido por un período de vixencia que abranguea dende o 15 de febreiro de 2025 ata o 15 de decembro de 2025.

Que esta Dirección Xeral de Pesca, Acuicultura e Innovación Tecnolóxica ten formalizado o 5 de decembro de 2025 coa USC a addenda de modificación ao dito convenio, a cal prorroga o período de vixencia do convenio ata o 30 de abril de 2026.

Que o instrumento convencional ten por obxecto:

A creación dun modelo de Equilibrio Xeral Computable (CGE) asociado as táboas input-output de Galicia que permita ampliar o rango de aplicacións e análises e, en particular, mellorar a medición de impactos asociados a cambios nos impostos, como pode ser o caso do IVE, ou cambios nas preferencias dos consumidores.

En particular, unha vez programado o modelo, procede aplicalo, en primeiro lugar, ao impacto da baixada do IVE do peixe e á modelización dunha campaña de promoción do seu consumo para estimular a demanda.

Que existe converxencia de intereses entre as entidades asinantes en orde á consecución do obxecto referido.



Que o instrumento convencional se fundamenta no seguinte:

O Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento legislativo e a execución da lexislación do Estado no ámbito da ordenación do sector pesqueiro. Neste sentido o artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galego, á ordenación das estruturas, aos mercados, á comercialización, á manipulación, á transformación e á conservación dos produtos pesqueiros e a promoción das estruturas de comercialización mediante o apoio aos sectores produtivos na distribución dos produtos do mar. Así mesmo, no seu artigo 2.7, a citada Lei destaca: “7. Desenvolver e mellorar os procesos de comercialización e transformación dos produtos pesqueiros, así como fomentar o exercicio dun comercio responsable que garanta a calidade, a trazabilidade e a identificación dos produtos”.

A Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de contratos do sector público, ou doutro instrumento alleo á natureza estritamente convencional.

**Que a addenda de modificación do convenio contempla as seguintes cláusulas:**

**Primeira.- Obxecto**

A presente addenda ten por obxecto prorrogar a vixencia do convenio suscrito o 14 de febreiro de 2025 entre a Consellería do Mar e a Universidade de Santiago de Compostela , ata o 30 de abril de 2026.





### **Segunda.- Modificación da cláusula segunda.**

O parágrafo primeiro da cláusula segunda “Condicións económicas”, queda coa seguinte redacción:

A Consellería do Mar contribuirá á realización das accións comprendidas no obxecto do presente convenio cunha achega económica, que ten como finalidade compensar á Universidade de Santiago de Compostela polos gastos nos que incorre como consecuencia de levar a cabo as actuacións obxecto do convenio, cifradas na cantidade máxima de corenta e cinco mil trescentos oitenta euros (45.380,00 €), repartida en dúas anualidades, con cargo á aplicación orzamentaria 16.02.723B 640.0, código de proxecto 2023 00197 S, do proxecto de lei de orzamentos xerais da Comunidade Autónoma de Galicia para 2025, sendo esta partida económica axeitada para asumir o custo desta acción por considerarse, pola súa propia natureza, como un activo configurado como un investimento de carácter intanxible que deberá incrementar o valor das políticas públicas acometidas pola Consellería do Mar neste ámbito e que non dará lugar a investimentos reais de carácter material. O orzamento correspondente a cada anualidade repártese da seguinte maneira.

- Anualidade 2025: 30.002,50 €
- Anualidade 2026: 15.377,50 €

### **Segunda.- Modificación da cláusula terceira.**

O parágrafo quinto da cláusula terceira “Obrigas”, queda coa seguinte redacción:

A Universidade de Santiago de Compostela presentará diante da Consellería do Mar antes do **15 de decembro do 2025** e antes do **15 de abril de 2026** unha memoria descritiva da realización do obxecto do convenio, así como unha contas de resultados en relación á finalidade do mesmo, que abrangan todos os gastos e ingresos nos que se incorreu na organización das accións que constitúen o seu obxecto.

### **Terceira.- Modificación da cláusula sétima.**

A cláusula sétima “Vixencia”, queda coa seguinte redacción:





A vixencia do presente convenio estenderase dende a súa sinatura e ata o **30 de abril do 2026**, sendo susceptible de prórroga, por acordo entre as dúas partes.

**Cuarta.-**

En todo o non nomeado expresamente pola presente Addenda, seguirá en vigor o disposto no Convenio.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria,

Santiago de Compostela,

O director xeral de Pesca, Acuicultura e Innovación Tecnolóxica

Isaac Miguel Rosón Sánchez-Brunete

